

貴州教育官報

no. 4

贵州省图书馆  
内部报刊  
第 5886 号

宣統三年六月出版

# 貴州教育官報

辛亥年第四期

辛亥年第四期

辛亥年第四期貴州教育官報目錄

諭旨

宣統三年三月初五日至四月初六日

諭旨共三道

奏議

學部奏籌議高等實業學堂附設實業教員講習所完全科合班教授辦法摺

學部奏中等工業學堂酌增應用化學一科片

學部奏改訂法政學堂章程摺

學部奏貴州職婦劉傅氏遵遺命捐款興學請獎片

撫憲龐奏學務公所辦事各員摺

文牘

學部劄行優待教員章程第五條酌改凡教授一學堂已滿年限呈由學司核  
績請獎勵酌加津貼或給盡職文憑仰即查照文

學部節飭前通行改訂勸學所章程排印時誤以六十八三字作三十二合亟  
照稿更正仰即遵照文

學部節催造報調查公私立實業學堂表以便編製預算文

學部節中等工業學堂學生資格有與定章不符應查明分別辦埋等因仰即  
遵照辦理文

撫院札准 學部咨覆本省優級師範准設補習科以資預備其初級簡易暫  
准開辦惟畢業不得在二年以下概不給獎行司查照文

撫院札准 學部咨覆每年上學期照此次頒發簡明表填報下學期始照前  
頒一覽表詳細填報等因行司通飭遵辦文

撫院札准 學部咨覆黔省緩行檢定小學教員應查地方情形將展緩年限  
分別規定報部其展緩期內給予暫充小學教員執照等因行司查辦文

撫院札准 學部咨豫算各項表冊分別依限造送等因行司轉飭各屬一體

依限辦理文

撫院札准 學部咨八旗高等學生崇順等攷列最下等未便准留堂補習與  
下屆學生一體畢業等因行司轉飭遵辦文

撫院札發 學部咨送實業學堂歷履分數表行司查照文

京師大學堂總監督咨博物實習科黔籍生尹克襄稟請更易籍貫仍應赴黔  
服務等因請查核辦理文

江南提學使司咨建設教育館所有運動業會物品請酌核捐助文

本司詳 督部堂申繳盤州廳孀婦李劉氏稟王敬之原詞文

本司詳 撫院據修文縣稟請核獎陳嘉言捐款興學文

本司移行各官立學堂嗣後凡遇節年各事勿庸備辦酒席文

本司通飭各屬遵照 撫院札准憲政編查館咨具奏籌備憲政成績一摺內

載宜推廣簡易識字學塾文

本司通飭各屬遵照 撫院批據查案委員稟查明平越州熊李氏捐產興學

一案辦理文

本司通飭各屬遵照 撫院批據貴筑縣詳城自治議事會呈請飭各學堂改

用大布一案辦理文

本司通飭各屬遵照勸業道咨憲政編查館奏攷核州縣事實附奏嗣後另由  
各衙門辦理文

本司通飭各屬遵照將天津商務總會移送女子家庭模範書轉發各女學堂文  
本司批牘選登

規制

學部奏定改訂法政學堂章程

圖表

貴州公立中學堂畢業生姓名等第分數表

中等農業學堂豫科學生畢業姓名等第分數表

學術

野外教授資料

論說

德育標準說

雜錄

教育實驗心得

貴州學務  
公所印行

宣統三年六月八日

辛亥年五月四日



諭旨

監國攝政王鈐章

宣統三年三月初五日奉

上諭朕維建國保邦莫先兵力安危定亂實在人心綜觀中外未有君民一體而國不強即未有上下相睽而國不弱者我國家肇基東土定鼎中原我太祖之初衆無一旅龍興遼海建都瀋陽我太宗嗣統寅紹丕基威加海內仰維神聖謨烈靡不躬擐甲胄跋履山川用集景命於我世祖遂我帝業逮我聖祖冲年繼緒首定三藩既靖海疆遂安華夏乃復憫蒙藩之羸弱憤屬部之驕橫三往親征長驅沙漠朔方既定中外來同猶復歲獮木蘭躬親射獵聲靈震疊萬國咸欽是則先聖臨戎上下一體之明效也嗣是以來列聖代作我世宗蕩平青海再廓苗疆我高宗戡定新疆迭平西藏矢弧所指靡堅不摧逮及仁宗更平捻匪八年血戰七噶不驚先朝威令森乎堂陛法宮高拱寰海鏡清尙武之風於今爲烈乾嘉而後內患迭興列聖相承不矜遠略懷柔至意百世所宗朕欣覩列邦輯睦之庥風深懼

先世析薪之難荷懷懍遺烈彌切戰兢伏念我列聖蕩定九州沐櫛風雨規模宏遠亦我軍人之祖若父同心翼戴乃克成三百年來之盛軍朕鑽承大統夙夜維寅深恐上負我列聖艱難締造之勤下負我軍人祖若父盡瘁馳驅之烈用特親任大清國統率海陸軍大元帥以符立憲體制爲吾民倡朕未親政以前所有大元帥一切權任事宜暫由監國攝政王代理業經通諭全國臣民獨念國之強弱惟在軍人軍人強弱惟視士氣必上深明保國之義然後可保身家未有先顧身家而能保國即未有不能保國而能自保身家者當此萬方競進非武不揚我軍人自祖若父以來已上承列聖涵養教育之恩下守家世效忠之訓無不深明大義惟不敢自暇自逸負我列聖負我軍人祖若父安危與共之隱自應交相勉勵鞏固皇圖異時君國治安憲章明備君臣上下同履太平斯則我先世靈爽式憑亦我軍人祖若父默啓後人之意也其訓諭六條另交陸軍部頒發全國軍隊咸使知之欽此同日奉

上諭本日陸軍部帶領引見之軍官學堂製造科中等畢業學員黃治坤著授爲步隊副軍校欽此

軍機大臣署名奕劻毓朗那桐徐世昌

監國攝政王鈐章 宣統三年四月初六日奉

上諭此次驗看之學部游學畢業生鍾世銘着賞給法政科進士汪羲之李妯芳張恩綬陳模均着賞給法政科舉人余換東李書鐘徐家瑞唐文晉均着賞給工科舉人欽此

軍機大臣署名奕劻毓朗那桐徐世昌

奏議

學部奏籌議高等實業學堂附設實業教員講習所完全科合班教授辦法摺  
奏爲籌議高等實業學堂附設實業教員講習所完全科合班教授辦法恭摺具陳  
仰祈 聖鑒事竊臣部於宣統二年正月具奏實業教員講習所畢業獎勵一摺

奉 旨允准在案原摺內稱此項講習所既經增訂獎勵不患無人來學各省應  
於兩年以內至少設立一所並及時籌設簡易科等語臣等查一年以來各省設立  
實業教員講習所簡易科者尙居多數設立完全科者殊屬寥寥其故一由於合格  
學生無多一由於高等實業學堂與實業教員講習所完全科同時並設財力頗難  
兼顧查完全科學生資格及教授程度與高等實業學堂大致相同其畢業年限較  
之高等工商兩科復多一年若將完全科學生擇其分科與高等實業相同者附設  
於高等實業學堂之中合班教授必可收費省事舉之效謹案實業教員講習所完  
全科與高等實業學堂分科相同者有四曰農業科曰應用化學科曰密業科曰商

業科以上四科完全科農業年限本與高等農業年限相同擬即用高等農業課程教授惟須酌減實習科目中之一二科改授教育學教授法教育法令等科藉明教育理法其應用化學窯業商業等三科擬將完全科前三年課程與高等實業本科課程改歸一律至第四年課程擬分三項一教育科目授以教育學教授法教育法令等科一增加科目應用化學科擬加定性定量分析工業分析等科窯業科擬加定性定量分析等科商業科擬加應用物理化學等科除前加各科外並得加授外國語文以資深造一專攻科目從前已習科目爲該省所應注重者得任擇二三科加深研究以期精進三項學科鐘點均暫由該省提學使司妥擬申請臣部核定將來臣部奏明改定實業學堂章程時應即按照新章辦理再此項完全科學生前經奏定義務年限自應按照師範章程辦理概歸官費如此既足普實業教育之效且可啓寒畯求學之途在各省所增之經費無多而他日所造之師資甚當今日實業待興甚亟自經此次變通各該省更不得藉口於款項難籌致阻教育之進步所有

籌議高等實業學堂附設實業教員講習所完全科合班教授緣由理合恭摺具陳  
伏乞 皇上聖鑒謹 奏宣統三年二月二十四日奉 旨知道了欽此

學部奏中等工業學堂酌增應用化學一科片

再臣等查奏定學堂章程高等工業學堂列有應用化學一科而中等工業學堂無  
之按應用化學於工業一端用途最廣且實業教員講習所完全科既列有應用化  
學一科若中等工業學堂無此科目將來完全科學生畢業時更無以爲教授之地  
臣等公同商酌擬將中等工業學堂增入應用化學一科其一切學科即仿照高等  
辦理惟使程度改淺以期適用所有中等工業學堂酌增應用化學一科緣由理合  
附片陳明伏乞 聖鑒謹 奏宣統三年二月二十四日奉 旨知道了欽此

學部奏改訂法政學堂章程摺

奏爲改訂法政學堂章程恭摺仰祈

聖鑒事竊查京師法政學堂章程係於光

緒三十二年十二月奏准遵行歷年以來原定之獎勵章程別科課程等屢有修改

均經奏明通行在案現值籌備憲政期限甚迫凡官吏紳民均非具有法政知識不足以資應用從前所定法政學堂章程其應修改者約有三端一曰課程當訂章之際各種新律均未頒布故除 大清會典 大清律例之外更無本國法令可

供教授今則憲法大綱法院編制法地方自治章程等均經先後頒行新刑律亦不日議決奏請 欽定施行此後法政學堂此項功課自當以中國法律為主此應

改者一二日年限舊章於正科別科均三年畢業講習科僅一年半畢業固為應急需起見然法政學科甚繁正科既以求完全之學問三年尚嫌其短至一年半之講習科所習無多斷難足用自非將正科延長一年講習科章程廢止不足以收實效

此應改者二三日分科舊章正科僅分法律政治二門而財政經濟等學科僅為政治門所兼修並未專設現在中國財政急需整理自非專立經濟一門不足以造就

此項人才此應改者三臣等斟酌現在情形參考各國學制擬具改訂法政學堂章程三十一條此後京外官立私立法政學堂凡新開之班均照此次改訂章程辦理

其別科一項係以應一時急需之用本年臣部議覆浙江巡撫增韞奏請准予私立學堂專習法政摺內曾聲明不得專設別科以趨簡易等語惟現在中學堂畢業生人數過少各處法政學堂之正科容有難以遽行成立者自應量予變通准其先設別科以應急需俟將來中學堂畢業生漸多再將別科章程廢止又修律大臣設立之法律學堂其宗旨實與此項章程正科之法律門相同度支部設立之財政學堂其宗旨實與此項章程正科之經濟門相同嗣後該學堂添招新班一切辦法應令分別按照正科之法律門及經濟門辦理以歸一律謹將臣部所擬改訂法政學堂章程繕具清單恭呈 御覽如蒙 俞允即由臣部通行京外一體欽遵辦理所有臣等的擬改訂法政學堂章程緣由謹恭摺具陳伏乞 皇上聖鑒謹 奏

宣統二年十一月十九日奉 旨依議欽此

學部奏貴州職婦劉傅氏遵遺命捐款興學請獎片

再准貴州巡撫咨稱貴陽崇德女學堂本年創辦女子師範簡易科附設兩等女子



小學堂開辦之初籌款維艱查職婦已故候選通判劉澤沛之妻劉傅氏慨將積資一千兩捐作該堂經費經該堂管理員黃德銑等稟飭貴筑縣驗收具覆並據該職婦聲稱捐助此項銀兩係承先翁劉本仁遺命祇得陳請移獎以承先志等情查地方士民遇有善舉捐銀一千兩以上者例准奏請建坊茲劉傅氏仰承其故翁遺命慨捐鉅款充作女學堂經費所捐銀數核與定例相符請煩查照奏請給予該職婦劉傅氏故翁劉本仁急公興學字樣准其自行建坊以昭激勸等因到部查本年正月二十九日河南巡撫附奏裕州柳林里命婦李張氏承故夫遺志捐款興學請獎給急公好義一片奉 硃批允行欽此茲准貴州巡撫咨請奏獎捐款興學之職

婦劉傅氏情事正屬相符該省地居邊瘠女學方萌經費艱難籌措不易該職婦秉承先翁遺命力興女學實屬深明大義克紹貽謀擬即援案仰懇 天恩獎給該

職婦劉傅氏之先翁劉本仁急公興學字樣令其自行建坊藉資觀感如蒙 俞

允即由 臣部咨行該省欽遵辦理謹附片具陳伏乞 聖鑒謹 奏宣統三年二

月二十四日奉 旨依議欽此

撫憲龐奏學務公所辦事各員摺

奏爲遵章彙奏學務公所辦事各員銜名恭摺具陳仰祈 聖鑒事竊據署提學

使陳驥詳稱案查學部奏定各省學務詳細官制及辦事權限章程內開科長副長  
省視學及各科員每年內督撫彙奏彙咨一次等因歷經遵辦在案查宣統二年總  
務科科長補用同知曾文鑑副長試用府經歷劉茂桐科員試用從九易鴻光試用  
布庫大使覃寶瑜普通科科長補用知縣劉嶽崙副長分省補用知縣聶樹榆科員  
勳丞職銜羅宗開湖北測繪學生黃定忠儘先補用內閣中書楊協元學部司務劉  
勳實業科科長日本速成師範畢業生黃祿貞副長試用通判石汶圖書科科長補  
用知縣朱禮和副長湖南試用知州樂嘉荃科員試用典史謝維祺革職補用直隸  
州知州余鵬練習員縣丞職銜李其萃會計科科長試用布庫大使李清華科員試  
用知縣李沂曾統計員府經職銜陳葆元練習員己酉職官盧光軫省視學舉人歐

陽朝相教職李慶春各員均隨時詳加考察尙屬認真出具考語造冊詳請查核

奏咨前來臣覆查無異惟黔省風氣初開學界人員每苦不敷應用惟有督同提學

使留心採擇量材器使以仰副朝廷鄭重興學之至意除將清冊咨送學部查

考外謹恭摺具陳伏乞皇上聖鑒謹奏

文牘

學部劄飭公件

學部劄行優待教員章程第五條酌改凡教授一學堂已滿年限呈由學司核績請獎酌加津貼或給盡職文憑仰即查照文

爲通行事普通司案呈照得本部於宣統元年十一月奏定檢定兩等小學教員章程暨優待章程原章聲明如有未盡事宜由學部體察酌改當經通行在案茲查優待章程第五條應酌改爲凡教授一學堂已滿教授年限成績優著者在京由本學堂呈明督學局在外省由本學堂呈由地方官或勸學所詳請提學使司核其成績由報學部除照章請獎外得就本堂款項之贏絀酌量加給津貼比每年所得薪額十分之三其學款支絀萬不能照給者得稟請督學局或提學使司給予實力盡職之文憑以爲名譽獎勵爲此劄仰該提學使司遵照可也此劄

學部劄飭前通行改訂勸學所章程排印時誤以六十八三字作三十二合亟

照稿更正仰即遵照文

為通行事普通司案呈上年十二月二十六日本部具奏改訂勸學所章程奉旨依議欽此當經刷印通行欽遵辦理在案查原章第十八條勸學所人員不得於學務以外干涉他事如有逾越職權借端生事者照府廳州縣地方自治章程第三十二條分別辦理茲核對奏稿本條末句應改為照府廳州縣地方自治章程第六十八條分別辦理當初排印時失於檢點誤以六十八三字作為三十二合亟照稿更正以符原奏而資遵守除分咨外為此飭行提學使遵照可也此飭

學部飭催造報調查公私立實業學堂表以便編製預算文

為飭行事實業司案呈案查本部設補助實業教育之計畫會於宣統二年十二月通行各處迅飭公立私立各實業學堂詳細造報調查表並一面派員分路調查互相印證限文到三個月內造表送部並附送調查表格格式等因在案現在已逾三個月期限此項調查表送部者尙屬寥寥殊於編製預算期限有礙應由該省提學使

司迅速造表送部切勿遲延除咨行外爲此飭行該提學使司遵辦可也切切此飭  
學部劄中等工業學堂學生資格有與定章不符應查明分別辦理等因仰即

遵照辦理文

爲飭行事實業司案呈准貴州巡撫咨開據提學使陳驥詳稱案奉劄開宣統二年  
五月二十八日准學部咨開實業司案呈本年三月十五日本部具奏預備立憲第  
二年下屆籌辦事宜摺內查貴州實業教育表中等工業商業學堂應提前設齊並  
將礦業中學堂各項表冊報部以便奏報等因正擬辦間又奉憲台飭開宣統二年  
十月初六日准學部咨開據呈送分年籌備事宜表其礦業中學堂亦應改名中等  
工業學堂礦業科以免歧出一案除原文有案邀免冗錄外後開飭即查照辦理各  
等因奉此查礦業中學堂原擬俟中等工業學堂建築落成歸併辦理屆時一併詳  
報以節經費而免歧異茲查工業學堂開辦經費經奏准將舊存黑鉛變價充用現  
以鉛款尙未撥歸學司其學堂布置迄未觀成苦心焦思殊難爲計然究不敢因是

稍生退阻致碍憲政前途茲奉前因除將籌辦全省實業學堂情形另文詳報外所有中等工業學堂鑛業科課程規章教員學生履歷各冊當即飭令該堂先行呈報茲據呈送前來本署司查覆無異理合備文詳請查核咨部施行等情到本部院據此相應咨請查核施行並課程表摺規章履歷冊各一分到部查分科教授辦法前經本部以畢業後普通學力不完不能應用電令仍循定章辦理在案茲據該司申送變通意見書以分析地質冶金均爲鑛科主要科目責令學生補習近於愛博不專歷陳四弊謂非分科教授不能有專長而無廢事所擬課程仍係科自爲班班自授課立說未常不是惟是中等鑛科畢業後只能充當鑛山下級藝師於鑛業學理本不能遽造精深故於普通學識必須力求賅備至分科教授東西各國高等大學始有此辦法該司遽以之強施諸中等工業揆之定章實未符合本屬碍難照准惟念該省僻在南服風氣尙未開通地方素稱貧瘠鑛業之興刻不容緩摺內所稱該省鑛業情形方且以土法開採較西法爲宜土人勸鑛較西人爲勝則其鑛業幼稚

可知該堂所授課程於普通鑛業雖慮不能完全而各有專長自較一班未曾入學之士人應占優勝以之辦理該省鑛業程度尙可相當該堂開辦已四學期瞬屆畢業此時再令查照定章另行釐訂課程在學生既補習爲難在鑛業更振興無日自應體察情形准其變通辦理立案此係因該省鑛業亟待興辦需才孔殷起見始予從權准行非獨他省不得援以爲例即該堂學生除宣統元年所招甲乙兩班外續招學生仍應速按定章釐定課程認真教授以期養成完全知識不得再設分析鍊冶科名目致蹈欲速不達之譏是爲切要本部實業課程前經奏明及時修訂現方廣徵各省意見如鑛業主要科目實較煩重學生兼習爲難應俟本部彙集衆說折衷定議奏明修正頒行用符集思廣益之意藉收整齊畫一之規該司未便獨據己見輒先輕事更張至該堂入學資格前據該司電稱須在高等小學畢業或充小學教習與實在具有高等小學學力之廩增附等方爲合格業經本部電准在案乃檢閱所送學生履歷冊除魯士毅周天旻廖昌璧黃承基吳開縉華岳賈現曾憲典蔣



德壽袁景鶴花沃十一名均係高等小學畢業生陳璞劉起祥冉崇理石鳳華屠士忠駱家驤羅萬里張鍾靈楊陰南馮祖異羅寅欽陳廷瑄胡燦邦劉芬十四名係陳增附與該司前定入學資格相符外其胡嗣寅田宗孔二名係屬蠶桑畢業生如係初等蠶桑畢業升學自符定章惟該省報部之蠶桑學堂僅有遵義府綏陽蠶桑學堂一所尙未屆畢業之期此外並無報部之蠶桑學生該兩生究係在何處蠶桑學堂畢業應即詳復並將未報部之蠶桑學堂章程清冊及畢業等第名冊迅速報部查核王祖繡吳承熙楊樂光李園楊錫光游保衡羅維熙楊祖芳楊國樑陳靈鵬吳斌十一名均係師範畢業生袁鍾靈一名係屬中學修業生與轉學資格相符應將該生等在何級師範何項中等學堂畢業修業聲復以資稽攷常華金邦俊羅時昌李熙瑛四名僅注明畢業生黃肇興吳才傑二名僅注簡易畢業生究係何等學堂畢業生張西銘楊啓豐紀龍書蕭聯琇王修滕家桂饒文沂施晉堂劉漢忠王藻黃澄章覃雨塔張廣堯陶湘瞿麟書十五名均係學生高維嵩一名係高等小學生究

係何學堂學生曾否畢業汪堅一名係屬文生是否廩增附應即詳細聲復以憑核辦其張際榮一名係巡警畢業生不及普通高等小學程度周琨劉鄭麟臧鏡均係高等未畢業學生李祥麟郭光燦鄧星瑞姜培蘭楊金榜步鐘鼎鄒勸楊光照董率平鄭紹垣袁時藩薛德朱樑黃秀陞十四名均係修業生何士榮寶居仁盧永熙胡壽棋黃金珍李正芳鄭寶彬楊文周王大相郭登瀛吳宗藩陳牧陳希禽十三名均係監生宋文才吳政璽二名均係童生非特於定章不符即於該司所請變通招生原電亦異本應一律飭令退學但該堂畢業爲期已近該生等業等有年若遽勒令退學轉阻邊氓嚮學之忱茲姑從寬劃分辦法凡合於該司原電資格者畢業攷試合格應准其照中等給予獎勵其不及該司原電變通資格者將來畢業攷試及格只准升學不准再行請獎庶於限制之中寓保全之意其行查各生俟查明後亦即照此分別辦理以歸一律此次該省所送中等工業鑛科學堂章程既未循定章招生又不符初議辦理種種未盡合宜其內容亦恐難臻完密本部念邊省興學不易

諸生攻苦有年未便過爲遏抑是以斟酌損益曲予維持用資激勸該提學使膺全省學務重寄更當念邊方學風閉塞籌款艱難每辦一堂務須使地方獲一堂之益嗣後各項實業學堂應即恪遵奏章認真整頓籌畫以重實業而促進行倘再不循定章辦理本部惟有執成例以相繩決難再予遷就除咨貴州巡撫外爲此劄行該提學使司遵照辦理可也懍切勿忽此劄

撫院札飭公件

撫院札准 學部咨覆本省優級師範准設補習科以資預備其初級簡易暫

准開辦惟畢業不得在二年以下概不給獎行司查照又

爲札行事宣統三年三月二十三日准 學部咨開普通司案呈准咨開據署提學

使陳驥詳稱黔省風氣晚開中學畢業生目前不過十數人若於明年優級四類同

時開辦非惟無此財力亦且無此合格學生擬俟優級選科兩班畢業後改辦兩級

師範其優級完全科開辦第一類一班即以中學畢業之十數人及優級選科學生

已經畢業而學力尙未充足者挑選數十人合爲一班一面開辦初級完全兩班專

招本省舉貢生員入而肄業前表擬於宣統三年開辦優級完全科第一四兩類續

辦第二三兩類按之現時情形尙多窒礙不得不據實申明至黔省各屬小學教員

甚形缺乏所有初級師範簡易科限至本年年終截止恐將來懸額待人無以應付

擬請略爲變通仍照原擬辦法展至宣統六年一律停辦庶各屬小學可以漸次推

廣除俟省城兩級師範改辦就緒再行專案詳咨並分飭各府聯合設立之初級師範學堂應酌量增設數班招足名額以宏造就外理合具文詳請查照施行等因前來查該省籌備優級師範宣統三年開辦第一第四兩類前經報部有案茲既屆期自以招齊兩班力符原案爲正當辦法若實無合格學生應准暫設一班惟第一第四兩類究以何類爲相需甚急應由該省提學司查核酌辦不必拘泥分類之次序定開辦之後先又優級師範准設補習科以爲升入公共科之預備前經通行在案該省既少升入優級之合格學生可仿設補習科以資預備至初級師範簡易科展緩截止期限一節係爲廣儲師資起見查本部本年正月咨覆河南巡撫文內開爲急於養成初等小學教員暫准開辦初級師範簡易惟其畢業年限不得在二年以下畢業後概不給獎等因在案該省事同一律自應比照辦理以歸畫一相應咨行查照行知提學司遵辦可也等因到院准此合就札行爲此仰該司查照辦理此札

撫院札准

學部咨覆每年上學期照此次頒發簡明表填報下學期始照前

頒一覽表詳細填報等因行司通飭遵辦文

爲札行事宣統三年三月初二日准 學部咨開普通司案呈准咨開據提學使詳稱前奉學部頒發一覽表式飭令各屬學堂每年分上下學期填報兩次等因當將此項表格印刷多份並另撰詳細說明書十數條通行各屬遵辦在案無如各屬所填各表每多遺漏參差迭經駁還飭令再填迺各屬接到後仍屬異常紛亂或仍照抄一份申送者或延至數月始行送司甚至始終不送須由司中端差坐催方得者遷延時日貽誤事機固由各地方官督率之不善而其中尙有困難情形不能不縷晰陳之黔省道路險峻郵驛不通邊僻州縣公文往復一次動需月餘以故各屬填還一覽表多未能依限送齊甚有填不合法駁還補造則又耽延數月其難一黔省勸學所雖多成立然因經費不敷所有總董勸學員等多係城內學堂各員兼辦兼以地面遼闊無暇親赴各鄉指示以致表式未能一律其難二高等以上各學堂無論已至初等小學完全科簡易科以及半日學堂女子小學各堂多以經費支絀之

故每堂祇用教員一人兼司管理實無餘間可以分任他事以致每年填報此表不免挂一漏萬遺此失彼之弊其難三各屬民立小學堂任意開設雖赴地方官衙門稟請立案然不受地方官節制其所辦之學堂既係旋興旋廢即所填之表冊亦係或有或無甚至有地方官及勸學所總董催令填報者彼以爲此係若輩私辦始終抗拒不填迭據地方官稟報有案其難四似此種種困難將來初等小學以下各學堂逐漸增多相率效尤於司中統計大有妨礙本署司俯察地方情形擬請略爲變通凡各屬初等小學以下各學堂所填一覽表每年祇令其填報一次一以省繁牘之苦一以免延誤之咎應懇據實咨明學部核奪咨覆實爲公便等情到本部院據此相應咨明爲此合咨貴部請煩查照施行等因前來查一覽表之設本部藉以攷核各省各項學堂設備是否合宜教科是否完善用費是否核實其他一切辦法是否均與定章相合設有不合者以便隨時指示改良關係至爲重大每年必分上下兩學期造報亦因學生之班次人數每隨學期爲增減非分別造報不足以昭核實

而便統計疊經通行在案茲據該提學使所稱爲難各節亦屬實在情形應准畧予變通自宣統三年起每年上學期祇照簡明表填報以備本部辦理統計之用下學期始照前頒一覽表式詳細填報以資攷覈除通行各省外相應黏同簡明表式咨行查照轉飭提學使遵辦可也等因到院准此合就札行爲此仰該司迅將表式刷印通飭各屬暨各學堂一體遵照辦理此札

撫院札准 學部咨覆黔省緩行檢定小學教員應查地方情形將展緩年限分別規定報部其展緩期內給予暫充小學教員執照等因行司查辦文

爲札行事宣統三年三月十九日准 學部咨開普通司案呈准咨開據提學使詳稱案奉札開宣統二年十月二十一日准學部咨開各省檢定教員應於本年就本處情形另擬攷試辦法於試畢後連同檢定教員名冊送核其風氣晚開之地方應將暫免檢定展緩年限之理由送部核定等因一案除原文有案邀免冗錄外後開飭即查照辦理等因奉此查黔省各屬官立兩等學堂教員多係由各該地方官遴



員稟請筭派間有由司選派者多以山路崎嶇來往動逾數月現在師資無多無可代理之人一經調省攷試各屬學堂勢有輟學之虞應請將黔省現在教員暫免檢定並擬請展緩三年屆時再行體察地方情形如果師範足以敷用再行遵章辦理所有展緩年限緣由理合具文詳請查核咨覆實爲公便等情到本部院據此相應咨覆爲此合咨部請煩查照施行等因前來查黔省地接苗疆所請緩行檢定小學教員之處尙與原章第十四條之意相合但通省地方情形不一未便一律展緩三年應由該提學使查核各府廳州地方實在情形將展緩年限分別規定報由本部核奪其展緩期內應查照原章所定資格給予暫充小學教員執照以免漫無限制相應咨行查照轉飭提學使遵照可也等因到院准此合就札行爲此仰該司查照辦理此札

撫院札准 學部咨豫算各項表冊分別依限造送等因行司轉飭各屬一體依限辦理文

爲札行事宣統三年三月初十日准 學部咨開會計司案呈正月二十六日准度支部咨送試辦全國預算暫行章程特別預算暫行簡章主管預算各衙門事項清單試辦全國預算各項表冊格式並印刷原奏恭錄 諭旨咨行欽遵辦理等因

列部查主管預算各衙門事項清單內開本部所管預算有各省提學司衙門經費各省學務公所經費各省大學堂經費京外派遣學生留學日本五校經費京外派遣學生留學東西洋官費各省學官費各省補助地方教育費等項均歸本部主管又某省試辦宣統四年地方歲出預算報告冊式內歲出經常門第二類列有省城府廳州縣官立學堂經費省城府廳州縣勸學所經費圖書館經費補助公立私立各學堂經費等款歲出臨時門第二類列有補助教育費留學東西洋公費等款均屬於教育費又全國預算暫行章程第五條內開各省應編國家歲出預算報告冊地方歲出預算報告冊並比較表按照各主管預算衙門所管事項分別咨送各該主管預算衙門並將全分表冊咨送度支部統限五月十五日以前到部等語相應

咨行轉飭所屬按照上開各事項依度支部所定表冊格式分別編造各表冊期於五月十五日以前一律咨送本部以憑核編可也等因到院准此合就札行爲此仰該司迅即轉飭各屬暨各學堂一體依限辦理此札

撫院札准 學部咨八旗高等學生崇順等攷列最下等未便准留堂補習與下屆學生一體畢業等因行司轉飭遵辦文

爲札行事宣統三年四月初三日准 學部咨開普通司案呈准入旗高等學堂咨呈開敝學堂中學第二班畢業學生除照章應預升學攷試者業經遵章攷試准予升入高等班肄業外其取列最下等學生崇順崇蔭二名嚮學情殷曾於考試畢業後入中學第三班肄業意在補習學課二年俟明年年終與第三班同考畢業嗣於三月間接奉咨開最下等之崇順等四名應令出堂聽其自營生業等因敝學堂理合據實聲明至以後可否准令降班補習二年之處伏候鈞示以憑辦理等因請查照核覆前來查該生崇順等考列最下等前咨飭令出堂係照定章辦理自未便准

其留堂補習該生等如果情殷嚮學亦祇准其附學聽講將來仍不得與本堂學生一體畢業當經咨覆在案各學堂畢業考列最下等者事同一律自應通咨仿照辦理至畢業文憑條例第十八條註文有考列最下等而留級者應俟下屆畢業發給文憑等語應即刪除以歸畫一相應咨行查照轉飭提學使司遵照辦理可也等因到院准此合就札行爲此仰該司轉飭各屬暨各學堂一體遵照辦理此札

撫院札發 學部咨送實業學堂履歷分數表行司查照文

爲札行事宣統三年正月二十五日准 學部咨開實業司案呈案查實業學堂實

習分數算法前經本部奏定並由本部訂定高等實業學堂文憑式樣其中等初等

實業學堂畢業文憑應由督學局暨各省提學司參照所頒高等文憑程式分別刊

印其修業文憑應由督學局提學使司參照部頒修業文憑條例加入實習分數一

項酌量刊發業經咨行在案查實業學堂計算分數之法較爲繁難各省關於此項

計分辦法咨請部復者仍多誤會之處茲由本部另訂各項實業學堂履歷分數表

以資行用其分數一切詳細算法均列於分數表內所有畢業及修業文憑各項分數均應查照所填分數表內數目填寫以期互相照合有所印證又各項實業學堂畢業考試覆試考試遇有應行考試實習功課之時應以此項攷試實習分數與歷期歷年實習平均分數相加而平均之作爲畢業攷試或覆試攷試之實習平均分數相加咨行查照轉飭提學使司遵辦可也等因到本部院准此合就札行爲此仰該司遵照辦理此札

京師大學堂總監督咨博物實習科黔籍生尹克襄稟請更易籍貫仍應赴黔服務等因請查核辦理文

爲咨會事案查前據本堂附設博物實習科黔籍官費生尹克襄稟稱生原籍係屬江蘇丹徒縣自幼隨父遊幕貴州入貴陽公立自勵中學堂肄業光緒三十三年由堂選送京師誤註爲貴陽府籍應請咨明學部更正以便回籍等情據此當經咨請學部查核更正茲准 咨覆內開查大學堂添設博物實習科立案原文內稱各

省學堂所需動植各物品大率購自外洋非價值甚昂且多屬外國產品不盡合於本國學科之研究故擬先辦簡易科就京外各學堂錄送學生肄習此項學術以便學成足供中學博物生理等科之用現在本堂招入學生辦法專由各省提學使或京師督學局咨送須礪係某學堂認明此項學生學成後必在該堂酌盡義務者方許錄送以杜個人營業之私等語是學生畢業即有回籍服務之責該生既籍隸江蘇自應於貴州選送時將籍貫呈明更正茲屆畢業始行請改顯有規避義務情事應飭該生雖更易籍貫仍應赴黔服務如借故規避可由黔省將歷年學費追繳以杜弊端此次該科學生畢業係比照中等實業學堂畢業定章辦理諸生無論升學就職均不能將義務豁免現在各省專門教員乏人希即咨明原送各省如需此項教員即於本省所送各生中調用俾得隨時自效若各生現已有相當學級可升應俟畢業後補行服務等因准此相應咨會爲此合咨 貴司請煩查核辦理須至咨者

江南提學使司咨建設教育館所有運動業會物品請酌核捐助文

爲咨請事案照科學不經實驗皆成空論故各國莫不有教育館以供學者之攷求

江南勸業會開幕以來 貴省別館陳列物品至豐極美其關於教育品者不特礦

產完備即特別動植物品模型標本亦至精善城堪佩仰本司用特發起一教育館

即擇地建設於金陵前曾稟請 兩江督憲電請轉知 貴司協助電飭 貴省駐

甯委員酌量捐助當蒙 准電想 貴司早已奉有飭知惟本司此次創議係爲甯

省教育起見俾辦學者暨教員學子咸瞭然於各省教育情形以爲改良增進之地

後此各省繼立而各省之旅人亦得各知其鄉土教育之狀況誠智識交換教育普

及之一大關鍵也此教育館之設意在必成之事幸有可乘之機除與 貴省駐甯

委員切實磋商捐留並承慨然允肯留助暨或酌留及備價購留另文粘單咨覆外

所有暫時不便捐留及有價值之品未能捐留及須運回商酌者理合咨請 貴司

酌核或飭原出品人捐助或酌之各學捐助並希迅賜核復如能捐助者隨後運回

以憑陳列實叙公誼望切施行須至咨者 黏單附

附擬各品目如下

一 礦產品

一 動植物模型

一 標本圖畫

一 手工

一 經獎各品





本司批牘選登

清江廳師範生游定元等稟楊鍾奎等侵蝕浮報懇飭追賠等情由

批 據稟及抄單均悉查此案前經札飭鎮遠府查算一面飭貴筑縣將該生等押發歸案訊辦旋據貴筑縣覆稱該生等並不在省又經轉飭清江廳查傳歸案茲據所稟既已到案該府自必當同大眾澈底清查焉有假手於人之理且既算清數款又安能節次延擱况所抄清單多有簿據虛實不難立辨該生等儘可在鎮候案來省多瀆無益仰鎮遠府查照先今批飭迅速審結具覆該生等當急速赴質毋得在省逗遛此諭稟發仍繳

麻哈州勸學所總董熊繼飛稟下司小學堂堂長宋翱侵蝕公款請派員臨所

核算由

批 稟摺均悉查此案業經 教育總會查明宋翱實屬不端茲據該總董所稟各

情仰麻哈州查照將宋翱先行斥退永不准干預學務並按原摺所開浮報之款逐

一訊明認真追還毋稍瞻徇切切此批稟摺發辦畢仍繳

甕安縣申送會考高等小學畢業學生試卷分數表冊出

批 申及表冊均悉詳閱各級試卷成績尙屬可嘉以後認真管理教授擴充學生名額以期教育普及高等甲班畢業早已派員會考預科准其升學仰即知照表存試卷發還此繳

盤州廳詳候選巡檢李世貞稟創辦女子初等小學請立案由

批 據詳已悉查該州學堂既據開辦兩載何以學堂一覽表學生分數表尙未組織完全仰即轉飭該堂職員速將各項表式填送查核如無窒礙再予立案以昭慎重教科書核發冊數價值另單飭知收到即便轉發該學堂領用隨備價銀呈由該廳申繳來司毋延此繳

綏陽縣勸學所員紳鄭全彬等公稟懇減解本府中學堂學費由

批 稟悉該紳等籌款維艱羅掘已盡自屬實情茲請將籌解本府中學費每生酌

減三十金是否可行仰遵義府查明情形酌核辦理可也稟發仍繳

麻哈州申覆奉飭調查城鎮鄉初等小學填表具報一案俟自治成立再飭遵辦由

批二申悉查初等教育本在自治範圍以內不歸官治而此次飭令各該地方官調查已設擬設各學堂實在情形正爲自治尙未成立各州縣相當辦法所申俟自治成立後再行分飭遵辦等情似於原札之意不無誤會仰仍查照前札迅即辦理毋延爲要此批摘由發

威甯州申報勸學所十二月分收支清冊由

批 申悉查該州勸學所收支表冊尙屬明晰殊堪嘉尙仰即轉飭按月造報以便稽核爲要冊存摘由批發

餘慶縣勸學所申送宣統二年全年出入款項清冊由

批 申悉查冊內收入款項併未分別係何項下殊屬含混仰餘慶縣轉飭該勸學

所按月明晰造報呈由該縣申送以憑稽核爲要摘由批發

正安州教員王懋德稟貪費逃學校賂務危懇示辦法以維學務由

批 稟及抄件均悉查此案前據正安州申請州屬高小學堂學生改加補習半年畢業等情到司已批如申辦理該堂學生自應一體遵照乃不待畢業期限紛紛赴府投考中學殊屬不合仰遵義府查明遵照先今批示速將投考學生飭回本堂補習以符原案稟發仍繳

大定府申覆查明教育會職員章昌榮等稟教育會另行選舉一案應請嚴加申斥立案不行由

批 據申已悉簡書發起之教育會既與定章比附應在解散之列而職員章昌榮等不遵定章強詞奪理任意稟瀆殊屬荒謬仰該府轉飭該職等將原發起之教育會立即解散並傳語申斥原稟存摘由批發

清鎮縣轉申宣統二年年上學期勸學所收支各款清冊由

批 查該縣所申勸學所收支各款清冊正月分開除項下細目與總數不符計多報銀六兩二錢二月分新收項下細目與總數亦差計少報銀二兩七錢祇此一出  
一入已差銀八兩九錢其餘未便覆核仰該縣轉飭勸學所查明另造詳細清冊送核並將所差之數叙明理由申覆查考毋再含混致干未便此批摘由發冊暫存

都勻府應貢生解江以毀人名譽具稟唐先材現胞兄燭含冤九泉懇查究由批 稟悉唐先材身充教員於教授管理諸多放棄經該生故兄解燭勸誠成仇輒即捏詞登報誣讟固於名譽攸關然該故兄在興任教熱心辦事既爲該校挽留其人品學問已可概見報紙之毀又何足恤但唐先材因充報館訪員竟敢挾嫌妄報亦未便置之不究仰興義府即移盤州廳查傳到案研訊究辦具覆核奪切切稟發仍繳

甕安縣稟草牛乾三里於宣統二年二月內遵章各設公立初等小學一堂頗著成效造冊請立案由

批 稟册均悉該縣草牛乾三里開辦公立初等小學堂已歷兩學期既著成效應准立案所請以開辦日期立案之處事屬可行惟各學堂一覽表刻將彙案送部仰即轉飭各該學堂查照新頒一覽表及職教各表漏夜填註專快送司以憑彙辦毋延爲要清册存此繳

湄潭縣申送各教員攷語清册請換札由

批 查辦學各員於學堂大有關係非可徇情濫派茲據申該縣勸學所總董周緝熙辦事認真是否屬實教諭季熙照充當堂長兼正教員管理教授是否合法仰平越州虛衷查覆以憑核奪至熊人鳳既係警生畢業以之充當小學堂教員究屬不合應即另行選定申請札委周俊簧一員係由優級師範畢業准其札派其餘留堂各員均照新章毋庸換札以省繁牘並即由州轉飭知照切切文册併發仍繳

黎平府申報府屬北路茅坪公立兩等小學成立表册請立案刊發鈐記給教

批 申及表冊均悉該屬茅坪於宣統二年設立初等小學今改爲公立兩等小學堂自無不可惟查學生履歷表內分甲乙兩班均係四年畢業核與申文所稱以去年初等兩學期學生升入高等小學堂預科等語不符應將預科學生履歷及畢業年限分別注明以便稽查又兩等小學堂新改章程前經通飭在案所有課程及畢業年限均應查照新章辦理現該堂改辦將屆一學期姑准立案仰即督飭辦學紳董認真經理按照指駁之處迅速更正另填表冊申候詳咨鈐記刊發仍將收到啓用日期具報查攷至請派教員亦即照派此繳表暫存委札鈐記併發

平越州申送勸學所三月分出入款項清冊由

批 申冊均悉惟開除項下教員薪水夫馬及購買品物暨售出米穀各大款均未詳細注明人數件數價值用項似覺含混仰即轉飭該勸學所嗣後造冊務須詳明以昭核實切切此批摘由發冊存

玉屏縣申送勸學所三月分出入各款清冊由



批 申册均悉查兩等學堂正月分實在一百二十六千九百八十六二月分舊管六十六千三百六十六二月分實在無而三月分又有舊管八十四千三百零八管收除在四柱數月比較不相符合是何緣故仰即轉飭該學堂查明申覆以昭核實切切此批摘由發册暫存

開秦縣申覆棚費一項已作學堂經費無從遵繳由

批 申悉查此項棚費科舉停後即奉 學部催提迭經通飭在案茲據稱撥作學堂經費未經稟明在先遽行動用殊與部章不合仰仍轉飭迅速籌措如數申繳以憑彙解倘再視為具文定干未便切切摘由批發

銅仁縣申送宣統二年分經管各項事實表册由

批 申册覽悉查該縣前三年內共立學堂八所該令任內所辦毗一處已嫌太少而簡易識字學塾亦未設立實與教育前途有誤仰即查照通飭極力推廣以期教育普及為要此批摘由發表册存

黎平府  
開泰縣

申送合辦公立明強兩等小學成立表冊請立案給札由

批 申及表冊章程均悉查該屬所立明強兩等小學堂已歷三學年所有各期表冊及試卷前未申報將來畢業時 學部無案可查難免駁詰且此項表式每年應報兩次原爲清查弊端杜絕取巧起見非同尋常公事隨時可補該堂既據開辦三年之久至今始行補報碍難詳咨惟既誤於前自不宜再誤於後茲准暫予立案仰即轉飭辦學員紳查照自本年爲始另造學堂一覽表並學生履歷以正月入學扣足四年畢業並職教各表申司幸勿延誤切切此批摘由發表暫存

鎮遠府稟籌辦中學堂情形及籌辦簡章辦事期表由

批 稟及簡章均悉該府所擬就文明書院改辦中學其常年經費由所屬六廳州縣承擔或與石阡府併辦事屬可行既據逕稟仍候 院批飭遵繳簡章程

石阡府申覆籌設中學堂一案實係困於財政由

批 申悉該府呈稱財政困難各節自係實在情形所請中學經費照鎮遠擬辦簡

章不再增加能否實行仰鎮遠府妥籌一切辦法會商各該府認可後明白稟覆再行核奪可也

思南府由送宣統二年經管各項事實冊由

批 申册覽悉查該府所報學堂一項第一欄稱四鄉分區籌設第二欄稱陸續開辦第四欄稱就地湊集各等語究於學堂處所及學生人數未能確指似覺含混嗣後務須認真推廣其簡易識字學塾尤宜作速舉辦以期教育普及是為至要此批  
摘由發表册存

安化縣民陳遠鏡稟張雲錦恃學殃民霸伐傷宅等情由

批 稟悉學生張雲錦甫由高等小學堂畢業即恃勢將該民地界內風水樹霸伐如果不虛實為器小易盈况平日種種橫惡尤屬任性妄為既經控縣仰現任安化縣查案提訊究結詳覆該民亦即回縣候訊可也切切稟發仍繳

麻哈州稟奉飭裁撤下司教員宋翹一案據該處勸學員等公稟留充並以挾

嫌誣巖等情請究總董熊繼飛是否可行稟乞核示由

批 查此案前據教育總會會長呈覆宋教員翔聲名惡劣地方人士嘖有煩言熊繼飛所稟搯詐銀兩等事雖係團首羅鐘經手然其干預外事不知自愛請予撤換等情據此是以飭令該署牧遊員稟候札委茲據稟各情核與教育總會呈覆係屬兩歧究竟孰是孰非自應再行詳查以昭核實仰都勻府迅即虛衷查明據實稟覆核奪切切稟及教育總會原呈抄發

五少...

學務公所印行

本司詳飭公件

本司詳 督部堂申繳盤州廳孀婦李劉氏稟王敬之原詞文

爲申繳事案奉 憲台批據盤州廳孀婦李劉氏等稟王敬之等乘機奪利敗人成功等情一案奉 批設堂興學地方官自有攷成斷無前人所辦學堂業經成立而任令接管者破壞之理該氏等前將祖遺之斗息屠行鋪租捐作該州學款曾否稟報有案既已捐歸公處則學堂用人辦事自由官紳主持該氏等固不得藉口干涉李猶龍因種烟獲咎畏罪在逃該氏等更不得藉辦學一事爲之辯護核查所控各節恐係李猶龍黨徒假名妄呈希圖狡卸特據呈稱州紳王敬之等浮收學款事不遵章并夥串平彝縣之陳君鼎等聚賭逞兇乘機攘奪又該州勸學所紳董侵蝕學租公款爲數甚鉅等情是否實在情形亟應認真查究仰貴州提學司飭知盤州按照所呈逐細攷核切實澈查據實稟覆核奪毋稍瞻徇延玩切切詞抄發等因奉此除抄詞錄批札飭盤州廳遵照查覆外所有奉發原詞理合具文申繳伏候 憲台

俯賜查核歸案須至申者

本司詳 撫院據修文縣稟請核獎陳嘉言捐款興學文

爲詳請轉咨核獎事案據修文縣稟稱據縣屬紳董顏秉鈞劉光旭雷超瀛吳廷椿等稟稱緣紳等登奉

明詔飭令各屬官紳創立學堂以期教育普及惟修邑素

稱瘠敝當此新舊過渡時代全恃殷實紳耆毅力提倡方於學界有益茲查有縣屬

附生陳嘉言年三十二歲於光緒三十年應甲辰歲試蒙 學憲朱攷入縣庠該生

家資殷實智識開通立志興學奉文後慘淡經營不惜鉅資於光緒三十二年組織

成一廣智高等小學招募學生如額是年二月開學照章應扣至宣統元年十二月

畢業因恐成績不佳復稟請推展一學期補習茲已於宣統二年七月舉行畢業共

取學生八名程度尙屬相合計九學期經費實支出銀一千五百餘兩均係該生獨

力擔任從實開支當其開辦之始議論紛起阻力橫生該生則任怨任勞堅定不移

始有今日效果紳等誼關桑梓難泯其勞合將該生履歷事實錄呈查核轉稟

以維學務等情據此署縣覆查該生熱心學校動捐鉅資成此盛舉若不從優獎叙其何以維學務前途合將該生履歷事實據情錄呈可否仰懇俯念該生籌款維艱用心亦苦轉詳 撫憲咨 部破格從優獎給實官以示鼓勵而開風氣抑或照捐銀一千以上章程獎給樂善好施匾額准其建坊之處出自逾格鴻慈所有縣屬附生捐助鉅款創設學堂現已畢業懇請破格優獎一案情形是否有當理合具稟察核詳咨給獎等情據此當經本署司以該縣附生陳嘉言不惜鉅款創設學堂誠屬熱心義舉惟請獎實官一層歷期雖滿五年成就學生尙無六十人以上不合部章未便照准至請獎給樂善好施字樣自行建坊既已獨任千金以上學款自屬相符仰候詳咨給獎等語批示除印發外理合具文詳請 憲台俯賜查核轉咨 學部彙 奏給獎以示鼓勵實爲公便須至詳者

本司移行各官立學堂嗣後凡遇節年各事勿庸備辦酒席文

爲移知事奉 撫憲面諭嗣後凡學堂開學放假畢業年節等事均不得預備酒席



及宴會以節糜費等因查現在端節在邇各官立學堂有宴會酒席一項今當款項支絀此項費用概屬虛糜自應一律停止以後凡遇節年及開學放假畢業並各  
大憲臨堂或本司到堂均勿庸備辦酒席以省糜費相應備文移知為此合移 貴  
監督請煩查照轉飭支發委員一體遵照須至移者

本司通飭各屬遵照 撫院札准憲政編查館咨具奏籌備憲政成績一摺內

載宜推廣簡易識字學塾文

為通飭趕辦事案奉 撫憲札開宣統二年十二月十二日准 憲政編查館王大

臣咨開宣統二年十月二十九日具奏遵限考核京外各衙門第三年第一次籌備

憲政成績一摺欽奉 諭旨知道了等因欽此相應恭錄 諭旨刷印原奏咨

行貴撫欽遵查照可也等因到本部院准此合就札行為此仰該司欽遵查照此札

計抄原奏一本等因奉此查原奏內載關乎學務者係推廣簡易識字學塾貴州成

立較少請 旨飭下撫臣嚴飭所屬認真趕辦以期普及等語茲奉前因合亟通

飭爲此札仰該即便遵照從速設立具報勿得敷衍因循致干未便切切特札

本司通飭各屬遵照

撫院批據查案委員稟查明平越州熊李氏捐產興學

一案辦理文

爲通飭遵辦事案奉

撫憲批據查案委員李汝賢稟查明平越州熊李氏捐產興

學暨劉錫琪稟打毀學堂一案奉

批稟及清冊抄件均悉據查覆熊李氏捐入學

堂之業經萬壽宮首士賣與陳希蕃屬實雖經退還實迫於熊李氏之上控且退還

於熊李氏而又不退還於學堂事情支離莫如此類查地方學款學業往往被一二

不肖紳衿牽混謀占學堂則有名無實稍久且化爲烏有無怪人皆以學堂爲詬病

學務遂因之多阻力此案若熊李氏激而上控此業何能澈查歸公應由司通飭各

屬凡係學款學業不准紳衿藉他事牽混展轉挪賣如有人敢於承受即併出賣者

一同嚴懲至此案現既查明即由司核定案情飭諭熊李氏將捐業交歸學堂選派

正紳妥實管理劉錫琪送稟打毀學堂一案亦據查明實只損壞棹凳係學生劉承

璵劉承璠二人所爲均屬年幼僅予革出學堂責令修賠辦法尙屬妥協其劉起徵經手賬目應早結算簿據爲劉錫琪收執該生何以逗留在省亦屬非是應飭平越州速集兩造尅日算結並飭嗣後一切款目務遵章按月清算一次榜示周知毋任因循含混致滋訐訟仰提學司查核辦理並飭李委員知照清冊抄件併發仍繳等因奉此查此案前據該委員稟覆到司早經批飭並將舞弊承賣首事貢生陳希堯詳請咨革代筆中人廩生胡家春由司斥革各在案茲奉前因除將冊摺由繳並飭平越州遵照外合行通飭爲此札仰該 即便遵照嗣後凡屬關於學款學業均須認真經理不准紳衿藉事牽混輾轉挪移當賣如有此種情事即當嚴懲不貸承受者同坐勿得視爲具文致多訐訟切切特札

本司通飭各屬遵照 撫院批據貴筑縣詳城自治議事會呈請飭各學堂改用大布一案辦理文

爲通飭事案奉 撫憲批據貴筑縣轉詳貴筑城自治議事會呈請飭各學堂提倡

改用大布崇實黜華一案奉 批據詳省垣內外人民習用洋布標布製衣每年約輸出十數萬金利源外溢殊非所宜該縣城議事會所擬學堂禮服首先改用土布以爲士庶之倡崇實黜華用意甚善果能推及各屬一律遵行自於開源節流兩有裨益仰提學司酌核通飭並轉行該縣遵照文發仍繳等因奉此除將原詳申繳外合亟抄詳札飭爲此札仰該 即便轉飭各學堂遵照切切特札 原詳附

爲詳請示遵事案據貴筑城自治議事會呈稱議員包潔提出擬請各學堂提倡改用土布崇實黜華一案內稱貴州地處偏僻實業未興商業不旺礦產雖多聞採不易倘日蹈浮華殊非藏富於民之道乃第就所衣者而言省垣內外人民皆習用洋布標布每年約計所出之款不下十數萬金奢侈成風財源外溢良可慨也查本省都勻羅斛等處現在織出之土布其細密與洋標相等其價值較洋標猶廉相形之間無分軒輊若先由各學堂提倡改用此布則省中士民皆望風相從矣况學部前有學堂禮服需用官布奏案已蒙 俞允貴州正宜本此奏案實行其事俾地方

多闢一利源人民多增一生計則裨益自治前途不淺矣等因當經衆議員在會廳討論修正復經通過全體可決呈請查核轉詳請示遵行等情到縣據此理合具文詳請 憲台俯賜查核批示飭遵爲此呈乞 照詳施行須至詳者

本司通飭各屬遵照勸業道咨憲政編查館奏攷核州縣事實附奏嗣後另由各衙門辦理文

爲通飭事案准 勸業道咨開案奉 撫憲札開宣統三年二月初七日准 農工商部咨開宣統三年二月初十日接憲政編查館咨稱宣統二年十二月二十六日本館會奏攷核各省州縣事實分別勸懲一摺又附奏嗣後攷核府廳州縣事實另由各衙門辦理一片欽奉 諭旨憲政編查館會奏攷核各省州縣事實分別勸

懲繕單呈覽一摺又奏嗣後攷核府廳州縣事實另由各衙門辦理一片均著依議欽此查本館奏定辦法內開凡州縣列入最優等者令各該督撫加具切實攷語送部引 見列入優等連任各州縣倘於各項新政實有擴充始終不懈者准予升

列最優等頻年屢任皆列次等實缺者停升候補者扣補各等語各該省此次單開各員應即照章分別辦理以昭激勸至本館攷核州縣事實業經奏明停止查向來州縣事實冊係分學堂巡警工藝種植命盜詞訟監押錢漕八項由各省督撫填注咨送本館會同民政部辦理現在本館既經奏請停辦應自宣統元年起由各省督撫於每年咨送統計報告時即將各該州縣所管事項成績分咨各該管衙門攷核如學堂歸學部巡警歸民政部工藝種植歸農工商部未設審判廳各州縣有命盜詞訟監押事件者歸法部錢漕歸度支部之類無須再造總冊以省繁文各衙門於所管之事如查有州縣不能切實奉行者自應隨時奏請懲處以儆怠玩毋庸遵照以前分別等第勸懲辦法相應恭錄

諭旨刷印原奏咨行查照辦理等因前來

本部查考核各省府廳州縣事實既經憲政編查館奏歸各主管衙門辦理所有應歸本部考核事宜除俟另訂章程分咨外相應抄錄原文通行貴撫查照欽遵轉飭一體遵照可也等因到本院准此合就札行爲此仰該道轉移三司巡警道一體欽

遵查照等因奉此除分別咨移外相應咨明爲此合咨貴司請煩欽遵查照施行等因准此合就通飭爲此札仰該 即便一體遵照辦理切切特札

本司通飭各屬遵將天津商務總會移送女子家庭模範書轉發各女學堂文爲通行札發事案准 天津商務總會移開案據天津觀禮堂濟生引善補遺等社紳董顧文翰張維祺等稟稱竊聞各省女學大興公同集資刊印女子家庭模範書一萬五千部分送各省府廳州縣每處額送四部外每省加送或五六百部或一二百部或數十部以路程之遠近女塾之多寡定加送之數目另具送書清摺伏望察照移請各省提學使司憲分遞各府廳州縣轉發各處勸學所查收轉給各女生將來女學振興人才輩出風醇俗美轉弱爲強四萬萬同胞均感扶持之力也等因准此查貴州省共府廳州縣六十處每處送書四部共應送書二百四十部外加送一

百部統共送書三百四十部除由該紳董稟請 直隸提學使司另備公文咨請轉發外爲此先行移送女子家庭模範書三百四十部望乞 貴提學使司查照轉發

施行計移送書兩包共三百四十部等因准此合行札發爲此札仰該 即便遵照  
轉發勸學所分給各女學堂應用切切特札





規制

學部奏定改訂法政學堂章程

第一章 立學總義

第一條 法政學堂以養成專門法政學識足資應用爲宗旨分設正科別科

第二條 正科分法律政治經濟三門均四年畢業

第三條 別科不分門三年畢業

第四條 京外法政學堂均按照此次改訂章程辦理如因學生過少正別兩科不能同時並設者准其先辦一科正科三門不能同時並設者亦准其先辦一二門

第二章 學額及學生

第五條 法政學堂正科或別科每年級學生名額按照各地方情形酌定惟每級至少須在百名左右

第六條 正科學生須在中學堂得有畢業文憑者經考試錄取後始准入學

第七條 別科學生以已入仕人員及舉貢生監年在二十五歲以上品行端正中學具有根柢者經考試錄取後始准入學

第三章 課程

第八條 正科分法律政治經濟三門由學生於入學之初自行選定其各門學科及每星期授業時刻表如左

法律門課程表

第一學年

學科

每星期鐘點

人倫道德

一

比較憲法及憲法大綱

四

民法總論

四

大清刑律

四

羅馬法

二

經濟學原論

二

中國法制史

三

論理學

二

法學通論

二

行政法 比較

三

法院編制法

二

外國文 日本文

六

合計

三十五

第二學年

學科

每星期鐘點

人倫道德

一

民法 物權

四

大清刑律

四

行政法 各論

三

商法 總則 會社

四

民事訴訟法

三

刑事訴訟法

三

國際公法 平時

三

監獄學

二

日本法制史

二

外國文

四

外國文

二

合計

三十五

第三學年

學科

每星期鐘點

人倫道德

一

民法

債權

四

民事訴訟法

四

刑事訴訟法

四

監獄學

二

商法

商行爲 手形

四

國際公法

戰時

三

西洋法制史

三

人事訴訟法

二

監獄實習

二

外國文 德文

六

合計

三十五

第四學年

學科

每星期鐘點

人倫道德

一

民法

親族 相續

四

商法

海商 保險

四

破產法

二

國際私法

三

非訟事件程叙法

二

刑事訴訟法

三

民事訴訟法

三

法理學

三

民事訴訟實習

二

刑事訴訟實習

二

外國文 德文

六

合計

三十五

附註

民法商法訴訟等法現暫就外國法律比較教授俟本國法律編訂奏行後即統照本國法律教授

政治門課程表

第一學年

學科

每星期鐘點

人倫道德

一

法學通論

二

比較憲法

四



國法學

二

社會學

二

論理學

二

經濟學原論

四

刑法總論

二

西洋史 上古 中古 近世

四

政治地理

二

統計汎論

二

簿記學原理

二

外國文 日本文

六

合計

三十五

第二學年

學科

每星期鐘點

人倫道德

一

政治學

三

憲法大綱

二

財政學

總論 經費 公債

四

比較行政法

四

商業 農業 政策

四

刑法各論

二

西洋最近史

二

法民

總論 物權

三

經濟統計

二

官用簿記

二

外國文 日本文

四

外國文 德文

二

合計

三十五

第三學年

學科

每星期鐘點

人倫道德

一

國際公法 平時

三

財政學 租稅

四

行政法原理

二

銀行論

二

工業社會 政策

四

貨幣論

二

外交史

二

民法

債權 親族 相續

四

商法

總則 會社 商行爲

三

政治史

二

外國文

德文

六

合計

三十五

第四學年

學科

每星期鐘點

人論道德

一

中國財政史

二

國際公法

戰時 國際先例

三

財政學

預算 決算 國庫制度

四

政治學史

外國財政史

殖民交通政策

國際私法

政治哲學

中國法制史

商法 手形 海商 保險

外交政策

外國文 德文

合計

經濟門課程表

第一學年

二

二

四

二

二

三

三

一

六

三十五

學科

每星期鐘點

人倫道德

一

經濟學原理

六

比較憲法及憲法大綱

四

國法學

二

社會學

二

法民 總則 物權

四

商業地理

二

統計汎論

二

簿記學 商業

二

法學通論

二

商業史

二

外國文 英文

四

外國文 日本文

二

合計

三十五

第二學年

學科

每星期鐘點

人倫道德

一

經濟政策 商業 農業

四

行政法

四

財政學 總論 經費 公債

四

銀行論

三

債權

二

貨幣論

三

經濟統計

二

銀行簿記

二

商法 總則 商行為

四

外國文 英文

四

外國文 日本文

二

合計

三十五

第三學年

學科

每星期鐘點

人倫道德

一

工業 社會 政策

四

國際公法 平時

三

財政學 租稅

四



貨幣史

二

中國財政史

二

商業通論

三

外國財政史

二

官用簿記

二

商法

手形 會社

四

外國經濟史

二

外國文

英文

六

合計

三十五

第四學年

學科

每星期鐘點

人倫道德

一

殖民交通政策

四

國際公法 戰時 國際先例

三

財政學 預算 決算 國庫制度

四

國際私法

二

商業通論

三

銀行實務

二

外國匯兌

二

商法 海商 保險

四

中國經濟史及近代通商事畧

四

外國文 英文

六

合計

三十五

第九條 別科各學科及每星期授業時刻表如左

別科課程表

第一學年

學科

每星期鐘點

人倫道德

一

法學通論

三

比較憲政及憲法大綱

四

刑法

總論

三

民法

總則 物權

五

法院編制法

二

經濟學原論

四

中國法制史

三

世界近世史

三

政治地理

二

政治學

三

外國文 隨意

三

合計

三十六

第二學年

學科

每星期鐘點

人倫道德

一

刑法 各論

三

民法 債權 親族 相續

四

商法 總則 商行爲

四

行政法 總論

二

經濟學各論 銀行 貨幣

四

財政學 總論 歲出

經濟政策 實業

民事訴訟法

刑事訴訟法

國際公法 平時

統計學

外國文 隨意

合計

第三學年

學科

人倫道德

商法 會社 手形

二

四

二

二

三

二

三

三十六

三十六

每星期鐘點

一

四

行政法 各論 地方自治

財政學 歲入 公債 財務行政

經濟政策 交通 殖民

民事訴訟法

刑事訴訟法

國際公法 戰時

國際私法

政治史

統計學

外國文 隨意

合計

三

四

四

四

二

三

三

三

二

三

三十六

別科入學考試時應試國文地理歷史 程度應與中學畢業相當 算學格致 程度應與高等小學畢業相當

當五門如算學格致兩門未能及格不滿五十分者而錄取入學者應於第一年每星期加授算學格致各二點鐘

第十條 正科及別科課程均用漢文教授其外國文一科以英德日三國文字爲科目正科學生兼習兩科目別科專習一科目

外國文教授以法政術語爲主

從前已設之法政學堂有用外國文授課者於本章程改訂通行之後准其照舊辦理以畢業爲止

#### 第四章 入學退學

第十一條 正科別科學生每年於年假前定期招考一次錄取者於年假後一律入學

第十二條 法政學堂每屆開學應將在學學生姓名籍貫三代及由某學堂畢業履歷彙造清冊在京師者呈送學部備案在外省者呈送提學使司轉報學部備

案

第十三條 別科第二年學生人數不滿定額時可於第二年開學前考取法政講習科畢業程度相當者編入惟應此項入學考試者應照別科第一年之學科程度分門試之

第十四條 學生中途遇有疾病或其他不得已事故必須退學者須呈候監督查明屬實方能照准

第十五條 各科學生遇有左列事項由監督核定令其退學

- 一 不遵守學堂章程禁令者
- 二 身膺痼疾及沾染嗜好者
- 三 學生考試兩次不及格者
- 四 兩次不繳學費或膳費者

第五章 考試及畢業



第十六條 考試分學期考試學年考試畢業考試三種其考試時期均按照學部奏定考試章程辦理

第十七條 各科評定考試分數及畢業後咨送學部覆試均按照學部奏定章程辦理

第十八條 各科畢業考試及格者除授與畢業文憑外所有正科畢業生應按照學部奏定高等學堂章程別科畢業生應按照學部奏定法政別科成案分別給予出身

各科畢業學生有應法官或文官考試者悉依各項法令之規定

#### 第六章 學費及膳費

第十九條 在學學生應收學費膳費書籍等費均按照學部奏定徵收學費章程辦理但外省法政學堂肄業之本省官吏暫准酌量免收學費

第二十條 法政學堂毋庸備有寄宿齋舍如有願就學堂午膳者每人應繳膳費

其數目由各監督就地方情形酌定

法政學堂之已備有寄宿齋舍一時遽難停止者及有特別情形須備寄宿齋舍者准其酌量辦理惟寄宿齋舍須與學堂分立而距離不得過遠

第七章 教員管理員及其職務

第二十一條 法政學堂應設教員管理員如左

監督一員

教務長一員 教員兼任

教員若干員

管課員若干員

庶務長一員

庶務員若干員

監學官不備宿舍者不設

第二十二條 監督統轄各員主持全堂一切事務

第二十三條 教務長秉承監督管理全堂教務稽核各教員教科講義及各學生學業勤惰優劣

第二十四條 教員分任教授各項學科無論本國人外國人均當隨時與教務長商定教法並歸監督節制

第二十五條 管課員秉承教務長佐理教務及學生入學退學考試請假等事

第二十六條 庶務長秉承監督管理堂中教務外一切事務

第二十七條 庶務員分會計文案雜務三項秉承庶務長各司其職其以一員兼任兩項者由監督與庶務長酌定

各項庶務員所掌事件以本學堂辦事細則規定之

第二十八條 京師法政學堂監督由學部奏派外省由提學使司遴請督撫委派並咨報學部備案其他管理員均由各監督按照法令所定資格遴請學部或提

學使司委派

教員由監督延聘專門畢業人員充任其有必須聘用外國教習者由監督會同部頒合同條款訂之均呈候學部或提學使司查核

第二十九條 法政學堂按照本章程第四條設立者各項管理員不必備設

第三十條 本章程所未備載之處悉照學部奏定學堂章程及其他法令辦理

第三十一條 法政學堂各項詳細規則應由各學堂監督擬訂在京呈送學部查核在外由提學使司轉呈學部查核



圖表

貴州公立中學堂畢業生姓名等第分數表

最優等一名

姓名

總平均分數

文宗潞

八十分六釐

優等四名

白玉榮

七十七分一釐

李聲榮

七十四分八釐

季光璠

七十分四釐

劉鏢

七十分一釐

中等十一名

黃文蕃

六十八分七釐

譚業鈺

六十六分六釐

鍾永年

六十六分四釐

竇居敬

六十六分四釐

龍堯衢

六十六分

馬汝騫

六十六分

趙致旂

六十六分

江有燦

六十五分七釐

郭光蠡

六十三分九釐

胡彬

六十二分

姚紹纓

六十一分八釐

下等一名

湯志愾

五十九分二釐

中等農業學堂豫科學生畢業姓名等第分數表

最優等二名

姓名

總平均分數

郭昌藩

八十四分六釐

蔡國楨

八十二分九釐

優等十六名

謀志杰

七十六分

李澤新

七十五分八釐

徐元鼎

七十五分六釐

李植

七十四分六釐

徐運熙

七十四分六釐

羅 祜

七十四分五釐



齊崇周

七十三分九釐

李廷槐

七十三分九釐

石萬珠

七十三分七釐

丁學程

七十三分六釐

劉斌

七十二分二釐

陳德昌

七十二分一釐

沈瑛

七十一分八釐

陳大本

七十一分六釐

丁希奇

七十一分一釐

汪成經

七十一分

中等五十六名

劉祥麟

六十九分四釐

葉文章

六十九分三釐

朱煥

六十九分一釐

劉與鈞

六十九分

周炳駢

六十八分七釐

伍朝宗

六十八分六釐

楊時興

六十八分一釐

岑浴沂

六十七分九釐

楊爾昌

六十七分五釐

袁汝庸

六十七分四釐

姚澤熙

六十七分三釐

蕭榮宗

六十七分三釐

張守仁

六十七分一釐

羅一華

六十七分

陳天俊

六十六分九釐

劉紹堯

六十六分六釐

吳承鈞

六十六分六釐

劉清

六十六分三釐

劉文彬

六十六分二釐

楊光傑

六十六分二釐

劉新章

六十六分一釐

何汝漣

六十五分八釐

鄒國華

六十五分七釐

袁文濤

六十五分六釐

戴皇恩

六十四分九釐

蔡興仁

六十四分九釐

胡炳章

六十四分七釐

朱玉衡

六十四分

李鴻陞

六十三分七釐

李明濬

六十三分七釐

何明淵

六十二分七釐

趙維新

六十二分五釐

劉鄭英

六十二分五釐

王履衡

六十二分四釐

韋澤沛

六十二分四釐

陳瑞珍

六十二分二釐

楊之燦

六十二分

張璧

六十一分九釐

徐登青

六十一分八釐

楊嘉邦

六十一分八釐

王紹緒

六十一分六釐

練廷俊

六十一分六釐

羅廷芳

六十一分五釐

李正昌

六十一分四釐

周茂良

六十一分

徐一林

六十分八釐

楊樹聲

六十分八釐

郭元善

六十分七釐

高煊

六十分七釐

熊義

六十分六釐

董鳴皋

六十分五釐

石瑞雲

六十分五釐

陸鍾仁

六十分四釐

黎希賢

六十分三釐

陳聽均

六十分一釐

李琨

六十分

下等二十八名

王正銘

五十九分八釐

夏連山

五十九分六釐

余國清

五十九分五釐

任明德

五十九分四釐

楊尙傑

五十九分四釐

陳尙文

五十九分三釐

張文凱

五十九分三釐

王鐸

五十八分二釐

周禮

五十八分

張紹麟

五十七分九釐

楊光祖

五十七分七釐

劉忠良

五十七分三釐

張鍾靈

五十七分二釐

胡肇榮

五十七分二釐

龍祖訓

五十六分三釐

楊迪惠

五十六分一釐

石銘

五十六分一釐

汪瑞霖

五十五分九釐

杜燦

五十五分八釐

張忠信

五十五分五釐

蒙錫瑛

五十五分三釐

王蘭堦

五十五分三釐

劉德元

五十四分三釐

劉永新

五十三分四釐

張兆魁

五十二分八釐

韋自清

五十一分五釐

魯屏周

五十分九釐

吳培鑫

五十分六釐



最下一名

李培滋

四十二分八釐

學術

野外教授資料

蟻之觀察

兒童於野外修學旅行時可使之觀察蚋虫同時使之觀察蟻之形態及習性且進而考察蟻與蚋虫生活之共存體能如是則理科之一目的亦不難達矣今將觀察之方法次第說明如左

一就蟻之頭胸腹三部判然構別處與蚋虫相比較而觀察其所異

二就蟻之觸角口器脚等處一一與蚋虫相比較而觀察其所異

三來自蚋虫住所地之蟻謂之黑蟻比黑蟻乃人生之害敵不可不使兒童知之

四宜令兒童以黑蟻與尋常家屋內之蟻相比較尋常家屋內之蟻其種名以黑

愛利乃地球上最蕃孽最有名之種類也

五其他尚有數種類有名代克塞司愛利者乃耕作穀類的種類也語其習性頗

有趣味此種蟻最喜耕種禾本科植物此植物周圍十尺以內所有雜草必咬除之殆盡蓋所以保存禾本科植物而使之達於十分成熟也又喜戰鬥性勇悍

六蟻巢之構造由蟻之種類而異或作隧道或於地中築室數層或堆積小石木葉或作圓錐形之塔種種之巢當使兒童一一檢出之而觀察其構造之異是亦頗有趣味者也

七於發見蟻巢之時即採集卵幼虫蛹及繭等諸物使之悉心觀察

八同一巢中之蟻其種類亦有不同有如蜂之行共和政治而羣居一處其數竟多至五十萬者此等蟻虫其巢中當有雌雄及職蟻三種

九蟻有時負草袋排成行列若運動者然其所負果爲何物乎非負卵也乃負繭或蛹也其負幼虫亦然此亦宜使兒童觀察之

按蟻卵極小須經三十日或六星期而始孵化

十夏時之蟻有羽而飛翔者乃蟻中之雌雄兩蟻因交尾而生此羽者也

目亞目 蟻之字合義虫二字而成者也蓋蟻頗有同生活之能力苟有利於共同生活者雖犧牲一身而不惜戰強敵而無所恐怖義虫之名即由此而來目者膜翅類亞目者有劍類也

種類 蟻由雄蟻雌蟻（即女王蟻）與職蟻之三種類而成雄雌兩蟻一交夏令即生翅而飛翔天空携手而作新婚之旅行此謂之蟻婚嫻之舞旅行不久即墜地雄蟻死而雌蟻存雌蟻則俟羽衣脫棄後始產卵

夫蟻在一巢中只有數雌蟻若蜜蜂則不然故蟻與蜜蜂等之異點在此而此雌蟻等與雄蟻職蟻同寢起於一巢毫無爭鬪和氣靄靄以度此歲月職蟻雖係雌蟻然其生殖器不發達故僅僅以幼虫之保護及食物之貯蓄爲職務而黽勉從事焉又在職蟻之一種中有頭部大發達而負兵士之任務者此種蟻常排列大軍隊襲敵陣捕敵卵或幼虫凱旋而歸其所被捕之虜則使之終其身爲奴隸以供使役

最奇者使用奴隸之結果漸次退化萬一奴隸爲他蟻奪去縱有何等食物在彼目前絕不入口遂餓而死

白蟻者蜻蛉等之儔侶即直翅類也此蟻雖係別種然亦從事於共同生活彼喜望蜂之蟻塔高約二丈者甚多此即白蟻所建築之巢也

生死 論蟻之壽命據英國有名之蟻研究家沙喬恩拉白克氏之調查職蟻中壽至九年以上者僅二頭其餘皆早亡又女王雌蟻亦有壽至十五年者云

蟻與光及色 蟻之對於光及色之感應據拉白克氏之實驗凡蟻性好暗而嫌有光線之處云云然據亞克氏之研究有一種蟻之性質微特不嫌光線且必求有光線之處而集合云云據拉白克氏又曾研究蟻之對於色之感應造各色之玻璃以通過玻璃帶色之光線試驗蟻之對於色之感應至其結果某時有蟻八百九十四匹集於赤色玻璃之下其他在黃色之下者四百九十五匹又有蟻五百四十四匹集於藍色玻璃之下其在紫色之下者僅五匹由是觀之蟻之對於色之感應之度與

分光鏡之色之位置若一致然

共棲 蟻常保護蚜虫之長成天雨時則運搬其卵於己之巢中俟蚜虫成虫後則吸其甘乳而資生活恰如吾人飼牛而榨取乳也其他除蚜虫外於巢中營共同棲宿生活者不少據華斯曼氏所研究其中甲虫最多由其性質上言之大略可分爲四

一有仰給食物於蟻而爲職蟻舐身體者此種甲虫可謂之蟻之客

二有一種甲虫在蟻巢中或去或留自蟻視之無甚關係者

三有一種甲虫專爲寄生生活者

四有一種甲虫依己之獨力而入蟻巢中爲食客而有敵意者

蟻與植物 自蟻與植物之關係言之有助蚜虫而爲植物生育等間接之害若黑蟻者亦有一種蟻能爲他花愛精作用之媒介而使之十分結實者

櫻樹之葉之蜜腺分泌之汁乃蟻之所好葉有此蜜賴以除去毛虫等物

薊之花葉皆有刺故大動物皆不食然此薊當結蕊之時有一種昆蟲最喜食之惟蕊上有數多之露珠爲蟻最所好之甘汁苟有害蟲來食此蕊蟻必羣集而攻逐之或噬殺之由此觀之蟻由薊而得食物即爲薊代除害蟲是蟻者誠有益於植物者也

德育標準說

植物及劣等動物之發達與否準營養水空氣溫度光線之有無多寡爲衡而已人則不惟身體生活有必需之物已也察其品性而調和之發育之於是精神作用以著社會之進行與退行悉左右於教育之勢力時代異民族異教育者之目的異方法異被教育者之生成亦異無論時代如何民族如何教育主義如何或個人或社會其方向常有偏頗不完全之憾時或毗於此方而忽於彼方或合於一方而缺於他方故人類本爲進行者乃閱數千年而或見其退行教育本爲人類發達之保護者維持者至民智漸開而愈見其分崩離析有不可終日之勢是何也無適宜之德育爲之標準故也然則將以何者調和之而發育之乎

今日思想界之兩大潮流曰科學曰宗教科學重實驗宗教重理想宗教家詆科學爲假定之例科學家詆宗教爲愚民之具人世畢竟無圓滿之智力兩者之互相非



拒如幾何學上關於直線有無之爭論有此兩大潮流澎湃激盪遂波及於一切思想界於哲學有唯心論唯物論之駁擊於心理學有感覺派觀念派之分歧於倫理學有快樂說制欲說之論難而此思潮之入於中國教育界足以盪決舊道德之藩籬使人迷於歸宿者則莫如新輸入之進化派與固有之理性派之交鬪

十九世紀之思想界生物學所支配之時代也進化派大氏以自然淘汰生存競爭適者生存三語爲人事現象之詮解其言曰萬物由無差別而進於有差別差別之最大者進化之最大者也人之道德性由遺傳作用綦千萬年之蛻嬗而進者也若云道德之目的快樂而已其標準求快樂去苦痛而已其行爲之果能達吾目的耶否耶由能適合於吾人之目的與否而名之爲善爲惡善惡者因快樂苦痛之因果連續而生之觀念也若司賓塞氏更以生物之學理闡明之謂有健全之身體乃有快樂之感而快樂之感益足助身體之健全快樂者有益於生理者也苦痛者有害於生理者也無生命即無快樂生命由內部與外部之關係適合與否而有夭壽之

判而因有苦樂之判其說甚爲恣欲者所樂聞假生物學之原則以求完全之快樂健全之我則個人之我而已我之快樂即爲善所不快樂即爲惡設其外界有反抗之勢吾人正不能不抵禦之或自我適合於外界或使外界適合於我而吞併之絕滅之皆善也強凌弱衆暴寡物競公例如是焉以競爲德固宜麟鳳絕迹鷲鳥猛獸昌厥後矣顧謂之人道得乎如生物學之善例之死者大惡之行爲也凡殉道殉國擲其生命者皆不善也顧生命延長果得如願耶延長矣彭殤之壽遠軼於周孔之聖耶夫德義者必在人已同等之間如生物原則由利己而利人欲利人不可不先利己利人者第以輔助利己之念而已氏之說以爲個人之生理衛生學則是而以言德育則非

或學者舍個人而言社會之進化作用曰道德律者維持社會之健全所記載之條件也曰德者於維持社會之平衡有效力者也此司諦芬氏之說也代元子結合說以有機體成長說謂個人與社會之關係如有機體與纖維細胞之關係進步而非

靜止者氏不言社會進步之究竟若何而惟以保持現在之平衡爲標準能保此平衡者爲善其不然者即爲惡雖然社會之生產果能順應無欠缺耶能遵進化之法則而得社會之平衡耶進化無已衝突亦無已果如何而蠲除一切苦痛爲終局之絕對平衡耶且德與福之平衡氏固言之而未敢自信乎此其爲說毗於形式而德育之效力仍不著然而藉公益牟私利者又津津焉樂道之

由是而進言中國固有之理性派夫人之體慾與知覺與物同雖然是特瞬時之我而已其永久之我理性是也理性者非純爲抽象之詞廣漠無涯濼者也彼西歐動稱校格拉底吾國必推孔子孔子之道一以貫之道者何自孝悌仁義至於禮樂刑政合以名之者也至其標準曰忠恕以消極言已所不欲勿施於人與自利之快樂說迥異也以積極言欲立立人欲達達人不言義務而社會自得平衡之正高尚道德莫此若朱子云聖人之心渾然一理而泛應曲當用各不同非如進化派以隨境順應專屬之生存競爭云云也全祖望釋一貫之道曰一者誠也誠者非自成已而

己也所以成物也成己仁也成物智也性之德也合內外之道也故時措之宜也此聖人之一以貫之者也準乎此則凡極端之個人主義與極端之社會主義皆無所用果其成己而成物也有若志士仁人殺身成仁無求生以害仁者矣生命夭壽所不計也顏回夭死伯牛病癩得謂之道德上自然淘汰乎果其誠也誠則不貳故曰仁者不憂曰君子坦蕩蕩儘來之苦樂不足嬰其懷也由是而言品性生知爲上學知爲次困而學之又其次困而不學民斯爲下而品性說乃以確定由是而言德之標準約之曰忠恕至達乎心理則曰智全乎生理則曰仁能守社會之秩序則曰禮至孟子始以仁義並稱至董仲舒又附益之以信而五常說以名

夫孔子以前有以自然法爲德之標準者所謂天地以順動故日月不過而四時不忒天行健君子以自強不息其例也有以神道爲德之標準者所謂作善降之降作不善降之殃其例也孔子以後有主功利說者董江都所謂天與王者皆以愛利爲意以養爲事張橫渠所謂民同胞物同與天下之疲癯殘疾惇獨鰥寡皆吾兄弟之

顛連而無告者其例也有主直覺說者陸象山教人惟自得其本心所謂宇宙即吾心吾心即宇宙宇宙內事卽已分內事已分內事卽宇宙內事千百世之上千百世之下放之東海西海南海北海有聖人出此心同也此理同也王陽明謂心卽理也天下無心外之事心外之理此心無私之蔽卽天理不須外面添一分只在此心去人欲存天理便是其例也有主制欲說者紫陽析性爲二曰氣質之性曰本然之性又就本然之性析之爲二曰未發之性曰已發之性氣質之性人與物同本然之性人與物異未發之性爲仁義禮智信已發之性爲惻隱羞惡恭敬是非誠實而其盡性之功不外克己慎獨以自省爲吾身之反射鏡後儒宗此說者勿勝翮縷夫中國之理性說不一而必樹極於孔子要之皆道德實踐者也然而自進化說入而我固有之理性說遂黯淡無光矣

夫善惡之無定名固也理性說注重於心理進化說注重於生理人之生活所需固非惡然所經歷之途徑中有幾幾及於惡德及罪惡者實數數見生活之宇宙似廣

而實狹於是有攘人之利充己之利個人之善一團體之善而非國民全體之善者  
吾人所見爲不善之行爲若巧猾貪鄙污下暴戾諸惡德自生活上或見爲善其所  
爲善即民度卑下之善也不然則雖社會之義務其版圖遼濶而無不包含於我善  
之中忠恕者我善與人善之標準也非我善與人善合決不得謂之善而善亦未嘗  
無定名苟其僅言隨境順應已也則泛泛如萍梗之飄泊耳若變色之蜥蜴隨時而  
移易其態狀耳彼根性淺薄者而淫而移而屈形於外爲罪惡存於中爲惡德惡德  
者品性之污點也其名不勝舉而常與道德之分類爲種種之對待此爲道德上之  
罪人非國法上之罪人所謂異於禽獸者幾希也夫世界遞演遞進之中一方面有  
若干德之產物一方面卽有若干不德之產物人智之發達不足爲撲滅惡德之通  
例適於德者又適於不德非真德育之進步不過社會之設備形式之進步而已僅  
以形式之進步爲進步使人心中心叫囂跳突寢焉擲棄德義於無何有之鄉若是者  
其國必潰其民族必亡以言進化不可幾也

且夫最大多數之最大幸福謂世界必有是滿志躊躇之日殆妄想耳人類之行爲必賴物質政治宗教三者之裁判而此外又有良心之裁判卽理性是也劣等動物不能犯高等之罪惡瞿瞿蘧蘧而居而游同類中無貴無賤無智無愚無尤無悔無不可饜之欲亦無自治之能倘人物平衡則墜落於一切動物之生活系統矣是故個人與社會有一定之制裁又有必然之理想高尚之品性必有高尚之宇宙之生活而今人對於德義之理想較之古代之理想雖廣狹有異要之根本上之標準其爲忠恕一也忠恕者固非離生命而專言心理亦非離社會而專言個人個人發達方可以言社會發達古者由國而家而個人今則由國而團體而家而個人其以個人爲單位則一若舍個人之理性而言社會之義務是僅對於法律上之報酬而言卽道德之名可滅熄矣若言德育者摠埴索塗茫無標準則所謂陶冶國民之教育家直備之不若矣以法律組織未完之國而德育又日見頹敗至爲不規則之權利競爭不實已撥何適而可此教育宗旨尙公尙武尙實所由必先言尊孔也與

教育實驗心得

教育難初等單級之教育則尤難欲言心得談何易哉非深造乎舊學不足以言教育非涉歷乎新學不足以言教育非洞悉夫教授之原理亦不足以言教育舊學未深造則無源之水必無灌溉之方新學不涉歷則不果之花必少發榮之象舊學深造矣新學涉歷矣而於教授之原理仍茫乎未之有得也則獨善其身固之餘嘉惠後學仍不足以是言教育難乎不難而初等單級之教育則更有難焉者難者何難乎其必使級級獲益也聚程度不齊之學生於一講堂則教授難聚良莠不一之學生於一講堂則管理難合數級功課於一小時則習熟難知其難而不知所以藥其難不獨級級難於獲益即一級亦難於獲益矣故曰初等單級之教育爲尤難也且夫所謂藥其難者要不過就正於有道已耳如使其難矣而或草率以了之又或掩飾以匿之是皆足以益其難也請以疾喻諱疾忌醫則疾之愈也難矣更以過喻



文過飾非則過之寡也亦難矣學堂者一欲疾愈而不能欲寡過而不得之人也是故知其難而欲藥其難也則非就有道而正焉不可翁君佩孚之創明志學堂也始設初高兩等繼僅設初等今則改爲初等之純單級矣傳厚不才竊位於此叢脞之慮無日無之恐授課之難於有益也則先之以支配課程而於臨時則隨機以應之恐管理之難於有益也則繼之以支配坐位而於寬猛則斟酌以施之恐學生之難於習熟也則寓多方於試驗中而誘掖獎勸以引導之然於教授原理仍茫乎未之有得也欲言心得談何易哉今承明問謹就平素所施行者分段以陳若課程若坐位若試驗習熟之法皆刪繁就簡以言之管窺之見知無當於萬一也

一單級教授之難於得法者病在無網紀無網紀即無入手之方課程者即單級教授之網紀也凡定課程必於各教科性質之繁簡斟酌勻配且於各教科書所定之課數亦能如期讀畢使無先期與過期之弊惟是讀畢而不得所讀之益仍與未讀等且其弊更有甚於未讀畢者蓋讀畢而不能得益則於下一學期非留級即降班

至留級與降班教員既徒費精神學生亦虛糜歲月且大損其興味夫歲月與興味學生之至可寶貴者也今兩失之惡在其爲人師故於上課時教員當提起精神目光四射而又必借重教鞭如上國文課口中教授甲乙而於丙丁之習字目光亦宜時時注射其有左寫與草率者則借教鞭代口以指示之如是則受課之學生耳有所聽之方無暇與習字之學生相言語而授誤可期明了矣習字之學生目有所注之處無暇與受課之學生相言語而習字可期端正矣至上讀國文課時則先合讀後分讀而劣等生雖於分讀時亦必使之合讀如是則至挑背時於某句作何解某字作何應用某俗話係此課中之若何文言庶可隨問隨答矣其必積三課而始挑背者以非此時不能讀畢也然又恐其以前各課之遺忘也故於星期六令各班復習之作文之欲求進步也不外乎循序漸進然非漫曰循序漸進也必宜有循序漸進之法請爲分級言之自最初級始凡程度之最低者必至兩字不能聯絡宜於其讀過文字之中而擇其耳所習聞目所習見之字擇一字使聯之而既聯之後又必

使此聯合之意講來有興味則學生無畏難之心而樂於從事矣至能聯數字之後則就書中之字另綴一語使之從此句之下任接幾句此教授最初級之法也由是而上之則約可作二三行惟此二三行中必有不接之病其病在下句之語並非緊從在上句想來斯時宜令其節去之而再問其若照原本之上句則下句宜作何語始能與上句聯合其能答者則以前次不接之語比較之使知前作之語有不接之病後作之句即無不接之病其不能答者則代接一語以示之並與之講明其所以然久之自無不接之病矣此教授程度稍高者之法也更由是而上之則爲甲乙兩級必能稍知文義與夫積段成篇斯時宜先示以反正兩層然後再示以虛實前後深淺賓主各法其在乙級中之尤高者宜於命題時擇一可高可低之題使甲乙合作作後如甲級有佳作可擇甲卷之能使乙級明白者示之則乙級自得參觀之益蓋甲級與乙級其程度本不甚懸殊凡甲級之所作乙級易於領略也如一期中甲乙均不妥卽宜於批解後擬作合於甲乙之程度者以示之此教授甲乙兩級之法

也至於上算術課宜先寫練習題於黑板使練習之學生有所事事然後再教授受課之學生而練習題之算式得數皆宜預備極熟始於上課時方能口中講授目中亦一覽而知否則一小時中必有顧此失彼之慮而學生無進步矣又於上課時宜注重劣等生反復詳明務使明白而後已否則練習之時又無進步矣讀經爲繁重之課程然經語宏深深者而淺言之殊非易易惟擇其最易明白之處或與修身科有關係之處擇要講之使學生得處世立身之法存忠君愛國之心修身爲各科之冠成學生之人格正學生之心術皆係乎是故授修身之法與他課不同務於平時將學生之劣狀一一注意俟上課時先講教科書使之習聞古人之嘉言懿行次講各生之劣狀使之改過自新以上所述皆傳厚所略爲經驗者此外若體操若唱歌若圖畫皆未經驗更不敢贊一詞惟研究於各科教授法囑同志如法教授耳

一課程定矣而不能獲良美之成績者管理之失其便利也欲求管理之便利必先求坐位之相宜坐位有縱列橫列二法如單級教授法所云固宜以縱列法爲優點

然丁級兒童素未有學校生活之習慣若從縱列法則丁班中必有與教師距離最遠之人距離既遠管理必不能周異日之教必將愈形困難故宜從橫列法使丁班與教師相近則教授管理兩得其便至使用黑板在丁班中惟國語之字數稍多至於算術則算式及題字皆極簡單即書於黑板之中間使學生皆可注目其有於全班中素爲劣等生者或令其一人坐一位或竟移其位於教壇左右形式雖不可觀學生卻能獲益俟爲時稍久察其果能潛移默化仍移其位與全班中之最優者並坐而教員仍宜嚴加注意如是則教室可免喧嘩或可得良美之成績矣

一課程定矣坐位定矣則教授管理皆可得其便利矣而學生之習熟亦不可不急圖之也凡求學生之習熟者莫善於試驗今分述如下


一用默語之試驗凡發一問先令舉手教員乃至舉手之學生處使之默語其所知不令左右同學有所聽聞如是

是以次遞問俟諸生默語畢乃將各生所答合者獎勵之不合者更正之如是則學生既不能人云亦云且可無隨讀隨忘之弊一用默寫之試驗默寫時間宜定於生

期六至期則於本星期所授各課中任提一二課使默之退課後逐一檢視視錯誤之多寡定分數之多寡如是則各生能讀即能寫不至於作文時觸處皆別字矣算學重習熟而於丙丁兩級則尤重故於星期一仍當練習一小時將上一課所授各法每法或一題或二額以試驗之

由前言之似皆於學生可求進步者然猶有最要之三大綱一曰熱心一曰恆心一曰毅力無熱心則不能勤勉無恆心則雖勤勉而不能持久無毅力則必視外來之毀譽爲轉移此心雖欲有恆亦必存不願久於其位之意是皆足以阻礙學生前途之進步也是故不爲教員則已苟爲教員必宜先具此心否則立法雖極完備而有治法無治人未見其有濟也傳厚不才所見祇此凡高於此者茫乎未之有得也





贵州省图书馆

30